

Enfraksyon Kriminèl nan Florid - Konsekans pran Plea”, Konsekans Jijman

1. Lè yo te arete w la, yo te pran anprent dijital ou ak foto w. Yo te transmèt enfòmasyon sa yo bay (FDLE) (Depatman polis eta Florid). Yo te voye yo bay FBI tou.
2. Dosye arestasyon w lan pa prive, li pa konfidansyèl.
3. Se dapre ki kalite akizasyon an, kijan kòz la te konkli nan tribinal, epi ki longè dosye ou deja genyen, pou w konnen si l ap posib ou pa pou w fè fèmen dosye w nan achiv.
4. Ou pa p kapab efase dosye arestasyon w lan nan FBI paske FBI pa konn efase dosye arestasyon.
5. Lè yo ba w CTS ("Credit time served"), sa pa vle di yo te annile ka w la. Okontrè, sa vle di ke w te plede koupab oswa jij la te twouve w koupab.
6. Piske dosye kriminèl yon moun se yon livouvè pou piblik la, anpil mèt kay rive jwenn dosye kriminèl moun ki vle lwe kay nan men yo. Yo gen dwa refize lwe w, an fèmen w kay oswa apatman.
7. Dosye arestasyon w lan pa disparèt jis paske jij la akòde w yon "*withhold of adjudication*".
8. Jij la kapab ekzije w bay yon echantyon ADN paske li jwenn ou koupab de yon krim, oswa paske la p akòde w yon "*withhold*".
9. Li posib ke w pa kapab vizite oswa abite avèk yon moun k ap viv nan yon lojman leta oswa "Section 8".
10. Li posib ke yo sispann lisans ou si yo jwenn ou koupab de yon kòz ki gen rapò ak dwòg.
11. Li posib ke w pa kapab antre nan militè, depandan de ki kalite ak ki kantite kòz ou deja pase nan tribinal. Ou pa kapab antre nan militè oswa devni yon ajan leta k ap fè aplike lalwa si yo jwenn ou se yon delenkan oswa w koupab de vyolans domestik (*misdemeanor oswa felony*).
12. Si yo kondane w, ou pa p kapab jwenn èd finansyèl inivèsite Eta Florid (Bright Futures, Gold Seal Vocational & Academic Scholars).
13. Ou pa p kapab jwenn èd finansyèl federal bay etidyan (sibvansyon, prè lajan, oswa travay sou kanmpis inivèsite), pandan yon tan, si yo te jwenn ou koupab de posesyon oswa vant yon sibstans entèdi pandan w ap resevwa èd finansyèl a.
14. Si yo jwenn ou koupab, ou pa p kapab fè demand pou yo fèmen/efase dosye kriminèl ou a nan achiv.
15. Si yo jwenn ou koupab, w ap pèdi dwa w pou w vote, jwenn djòb leta, jwe wòl manm jiri, posede zam a fè, oswa pote zam kache, depi w te gen 18 an oswa plis lè kondanasyon an. Nan sèten ka, yon fwa w fin pije pèn ou, yo retabli kèk nan dwa sa yo.
16. Ou pa p kalifye pou *food stamp* si yo rekonèt ou koupab de trafik dwòg.
17. Ou kab fè fas ak yon pèn prizon obligatwa alavni si w komèt yon zak . Yo ka ba w yon santans pi long tou pou yon *misdemeanor* oswa yon *felony*. Si yo te kondane w deja pou yon *felony*, menmsi se nan tribinal jivenil, sa ka fè w pase plis tan nan prizon e fòse jij la ba w yon santans obligatwa.

18. Li posib ke w pa kapab jwenn travay:
- nan eta a oswa minisipalite a si yo te jwenn ou koupab de trafik dwòg, de yon *felony*, oubyen de yon *misdemeanor* premye degre ki gen rapò dirèk ak djòb la;
 - nan yon *county* oswa minisipalite (si djòb la enpòtan anpil pou sekirite piblik);
 - òganis ki okipe de lòd piblik, prizon, plis lòt biwo k ap travay ak timoun oswa moun aje;
 - lekòl leta, pò maritim, aewopò.
19. Yo kapab sèvi ak kondanasyon an kont ou pou demontre ke w pa moun kredib si w bay temwànnyaj nan yon kòz.
20. Yo kapab afiche foto w sou sit entènèt Depatman Koreksyon Florid la, si yo ba w pwobasyon oswa yo voye w nan prizon eta a.
21. Y ap pran pèmi pwofesyonèl ou nan men w si yo jwenn ou koupab de vant dwòg.
22. Yo gendwa refize w yon pèmi pwofesyonèl oswa yon pèmi pou biznis, pa ekzanp, *nurse's aide*, *LPN*, sekouris, *RN*, si dwa sivil ou yo pa retabli.
23. Si w pa ameriken epi w pa gen kat rezidans, yon kondanasyon oswa yon “*withhold of adjudication*” ka lakòz ou pa janm rive gen rezidans isit. Epi, yo kapab depòte w, menm si w gen rezidans.
24. Si w pa gen papyè, ke w plede koupab ou non, yo kapab fè w kite Etazini.
25. Apa kèk grenn eksepsyon, y ap oblije w enskri non w nan lis delenkan seksyèl ak predatè seksyèl si yo jwenn ou koupab de agresyon seksyèl. Ou pa p kapab viv nenpòt ki kote w vle. Yo pral afiche foto w, non w ak adrès ou sou sit entènèt Depatman FDLE eta Florid la.
26. Si arestasyon w lan, kondanasyon w lan oswa “*withhold of adjudication*” w lan se pou yon zak ki gen rapò ak sèks, yo kapab sèvi ak li kont ou alavni pou yo kenbe w nan prizon pandan anpil tan menm apre w fin pije pèn ou.

THIS DOCUMENT IS INTENDED FOR EDUCATIONAL PURPOSES ONLY AND DOES NOT CONSTITUTE LEGAL ADVICE.

Revised May 5, 2010

Compiled by Carlos J. Martinez, Ruck Deminico, Kevin Hellman and Tamara Gray

LAW OFFICES OF PUBLIC DEFENDER CARLOS J. MARTINEZ
1320 NW 14 STREET ♦ MIAMI FL 33125 ♦ 305/545-1600 ♦ WWW.PDMIAAMI.COM